

## ILANNGUSSAQ 1

**Siunnersuut 1C39-1 Sømandshjemmet, Nuuk pillugu tamanut saqqummiunneqareernerani akissuteqaatit iluarsisassatullu innersuussutit pillugit suliarineqarnera.**

Kommunalbestyrelsip kommunimut pilersaarummut tapiliussatut siunnersuut 1C39-1 sapaatip-akunnerini 8-ni marsip sisamaanniit apriliip 29-anni 2020-p tungaanut tamanut tusarniaassutigineqarnissaa saqqummiuppaa.

Tusarniaassummut akissutit marluk piffissaq eqqorlugu tiguneqarput.

Ingerlatsivimmit akissutigineqartoq pingasunut immikkoortunngorlugu agguataarneqarpoq: Tunngaviusoq, Aaqqitassat aamma Allanguuteqanngilaq

Tunngaviusoq	Aaqqitassat	Allanguuteqanngilaq
--------------	-------------	---------------------

"Tunngaviusunut tunngasut" pingaaruteqartuupput imaluunniit allanguutaapput annertuut, taakkuuppullu politikkikkut oqaluuserineqartariaqarsinnaasut. "Aaqqitassanut tunngasut" iluarsisassaapput annikitsut taavalu "Allanguuteqanngitsumik" allaqqasoqartillugu, allanguisoqassanngilaq imaluunniit aaqqitassaqaqassanngilaq.

### 1. Nunatta Katersugaasivia Allagaateqarfialu (NKA) marsip 17-ianni 2020 e-mailikkut allagaqarpoq

- 1.1 NKA allappoq, pilersaarummut tapiliussami Mågehuset ataannartinneqarnissaa pingaartinneqarmat naammagisimaarinnillutik. NKA-miit oqaatigineqarpoq, "Taassuma illup Umiarsualiviup inooqatigiinnikkut, kulturikkut illullu oqaluttuarisaaneranut sunniuteqaqataasoq.

1.1 pillugu

Tunngaviusoq	Aaqqitassat	Allanguuteqanngilaq
Ingerlatsivimmiit erseqqissaatigineqarpoq, tamanna kulturikkut kingornussarsiat eriagisassat pillugit nunarsuarmi anguniagaq 11 naapertorlugu suliaasoq.		

### 2. Ineqarnermut Attaveqatigiinnermullu Naalakkersuisoqarfiup e-mailikkut ulloq 27. aprili 2020-mi nassiussaat

**2.1** Akerliliissuteqartup apequtigaa "Sømandsmissionip umiartortunut unnuisarfiunerup saniatigut umiarsualiveqarfiup eqqaani avatangiisinut pingaarutilimmik qanoq ikiuppa?"

2.1 pillugu

Tunnngaviusoq	Aaqqitassat	Allannguuteqanngilaq
Ingerlatsiviup erseqqissarpaa, sømandsmissionip nunanit allaneersunut amerlasuunut pingaarutilittut inissisimasoq. Aammattaaq sømandsmissioni illoqarfimmiunut amerlasuunut atugarissaartitsinissamik suliniuteqarnermi ikiuuttartoq.		

**5.2**

Akerliliissuteqartup isumaqatiginngilaa, "Qaartiterinerup minnerpaaffimmitinneratigut [...] pinngortitami isumalluutini pitsaasumik nungusaataangitsumillu aqutsinissamut aqqutissieqataassaaq". Akerliliissuteqartorli akerlianik isumaqarpoq "Qaqqat ilusii naapertorlugit [...] avatangiisini pinngortitap ilusereqqaagaa allanngornagu toqqaviliortoqarsinnaasoq.

2.2 pillugu

Tunnngaviusoq	Aaqqitassat	Allannguuteqanngilaq
Ingerlatsivimmit erseqqissaatigineqarpoq, qaartiterineq akisuujusoq, pingaartumik qaartitikkat assartorneqassatillugit. Taamaattumik qaartiterinerup annikillisinneratigut aningaasartuutit annikillisinneqassapput.		

**2.3**

Akerliliissuteqartoq aperivoq: "Allilerisoqareerneratigut biilnik inissaliornissamut piunasaqaatit eqqortinneqarnissaannut kommunimit qanoq qulakkeerneqassava?"

2.3 pillugu

Tunnngaviusoq	Aaqqitassat	Allannguuteqanngilaq
Nunaminertamik atugassiissuteqarnissamik suliaqarnermi nalilerneqarpoq, bilimik inissiivissat qassit pisariaqartinneqassanersut. Tamannalu kommunip inissiivissanik amerlassusiliinera (kommunimut pilersaarut atuuttoq) naapertorlugu pivooq, tassalu pisariaqartitsineq apeqqutaatinneqassalluni.		

2/2 Tusarniaanermut akissuteqaatit tiguneqarsimasut tamarmik.

Inussiarnersumik inuulluaqqusillunga

Med venlig hilsen

Sanarfinermut Avatangiisinullu Ingerlatsivik

Illoqarfimmik inerisaanermut immikkoortortaarfik